

همزة وصل

Rapport mensuel



SESOBEL

Founded in 1976

نشرة إستثنائية شهادات من القلب تشرين الأول ٢٠٢٠



للا اتصال بنا

+961 9 235 435

عينطورة - عين الرمانة ، شارع 11 - كسروان

ص.ب: 551 ذوق مكيل - لبنان



شكراً... على كل هالسنين!

عل مدى سنين العمر، رافقتونا، وكنتموا دائماً حدنا !
آمنتوا بولادنا وبقضيتن، وكملمتوا معنا المشوار حتى نأمنن حياة كريمة وفرح ورجاء .
٤٠ سنة رسالة، ٣٥ سنة تفاني، ٣٠ سنة كرم، ٢٥ سنة حب،
٢٠ سنة عطاء، ١٥ سنة إلتزام، ١٠ سنين إيمان، وبعد أكثر وأكثر...

« لا بدّ للنور أن يشع بعد الظلمة »

أيها الزملاء الكرام أفراد عيلة سيزوبيل،
بأول كلّ سنة بحب أوقف حد كل أفراد فريق العمل، وهالوقفة أنا بنظرا بشغف لأنو بحب إسمع شهادات
حياتكن وخبراتكن وشو عنيتلكن هالمؤسسة وشو علمتكن. هالشهادات بتأثر فيني كثير ويتعلمني، خاصة
لما تكون صادقة وشفافة وطالعة من القلب. وهون بحب نوّه على جهودكن وتفانيكن اللي كانوا عنصر
أساسي بخدمة ولادنا،
لأنكن، لما عطيتوا بلا تذرر وبفرح ومن كل قلبكن وما بخلتوا بوقت أو بجهد قدرنا نحقق أهدافنا ورسالتنا،
لما أدّيتوا عملكن بإتقان وإخلاص وأمانة قدرت سيزوبيل تتقدّم،
لما حبيبتوا عملكن وحبيبتوا ولادنا عمّت البركة بيناتنا وبالمؤسسة.
قدّيش حلو يكون كل واحد منكن أداة سلام ومثال للعطاء وسبب ليسمح للنور إنو يشع بحياة ولادنا وحياة
كل اللي بيشتغل معن.
بصليّي لست البيت تمنح كل واحد منكن الصحة والعافية وتبارك جهودكن الكبيرة وتكافينك عنّا على
طريقنا.

فاديا صافي - رئيس ومدير عام

٣٥ سنة تفاني ٣٠ سنة كرم ٢٥ سنة حب ٢٠ سنة عطاء ١٥ سنة إلتزام ١٠ سنين إيمان

جاك ابراهيم ساميا دامس ميرنا فحمة ريتا المير ماريا بو سعدا بول قطار جوسلين خويري	أنيتا الحاج دولا غاوي غادة كמיד جوانا جدعون جويل صيداوي رولا أشرم	ناتالي شمعون	لوسي إدلبي ريتا عبد الساتر	ميمي أبو صعب ماغي مدور نيكول قسطا	ندى منصور
--	--	--------------	-------------------------------	---	-----------

من القلب أكبر تحية وأكبر شكر
لأحلى وأعظم هدية قدمتها إمننا العذراء لولادنا، وهبيّي إنتو...

سنة ال ٢٠٢٠ صاروا ٣٠

حبيبت إكتب هالمره بعفوية ومن القلب للقلب. وجوه كثيرة مَرَقَتْ: ولاد، عيل، ملتزمين... تعلمت ممن أمور كثيرة، خاصة الولاد اللي عندن توحد اللي صمّنت بدق بعمق قلبك. سيزوبيل مدرسة - أكيد، تتقفت فيا إنسانياً، روحياً وتقنياً. تعلمت فيا إتخطى الخوف والصعوبة لأن علمتني مع إمي على مين إتكل، على الست اللي سهراني علينا - ست البيت.

بعد ٣٠ سنة جددت إلتزامي بقيم ومبادئ هالمؤسسة، واللّي مبنية على المحبة. غريب شو عظيم الحب، بيوسع القلب، يسامخ وبيتخطى الأنانية... و«ما أصغر الحب الذي يُمكن حسابه». بالنهاية بشكر «إيفون» الخميرة اللّي أسست هالمشروع و«فاديا» و«كارمل» على شفافتين بالمسؤولية، و«رولا» اللّي مرافقتنا من بعيد ومن قريب. بدون ما إنسى فريق ال TED اللّي عاطول منفكر، منضحك، منوقع ومنوقف سوى. وبشكر أنيتا المحرك اللّي ما بيتعب وزملائي بالمسؤولية. وسوى رح نكمل...

ماغي مدور
وحدة التوحد



سيزوبيل ... مدرسة لحياة أفضل

نعم مدرسة بكل ما للكلمة من معنى... مدرسة المحبة... الرجاء... الإيمان القوي... التسليم الكلي لإرادة الله وست البيت... التضحية... الوفاء... المساعدة... الأمل... تخطي الصعوبات... الإلتزام...

وبعد ٣٥ سنة، ما في كلمات تعبر إلا هالصلاح من القلب:

«يا رب إنت العالم بكل شي وقادر على كل شي، أكيد بصماتك هي اللّي محفورة فينا وبكل اللّي بصير معنا، علمني أشكر بصمت لأنّي عاجزة عبر عن إمتانني، شعل قلبي دايماً بفرح العطاء، ضوي دربي دايماً بالأمل والرجا وخليني دايماً مستسلمة لمشيئتك بفرح وسلام ومحبة... وما تحرم سيزوبيل من رعايتك وأنعم عليا بالإستمرارية والتقدم والنجاح الدائم... آمين».

ندی منصور
البرنامج الخارجي
وإدارة الشؤون المالية للعائلات



5. QUE “faire un acte de miséricorde” est glorieux devant le Roi de la Miséricorde.

6. QUE “semmer l’espérance et illuminer les cœurs autour de nous” est en lui-même espérance et lumière pour soi.

7. QUE “l’art de défier dans l’espérance” et “offrir l’amour” est grandiose envers le Seigneur et promet une continuité sûre.

Car en fin de compte, “la vraie grandeur c’est de se faire petit et serviteur”.

C’est là que le chemin vers la Sainteté prend sa forme.

Merci Seigneur pour ces 30 ans. Apprends-moi à agir et réagir selon ta volonté et ne me laisse jamais perdre la boussole qui m’emmène vers Toi.

Mimi Abou Saab
Unité des Aides Techniques



La Sainteté signifie un Amour parfait. Etre à SESOBEL c’est être sur le chemin vers la Sainteté.

30 ans de vie sur le chemin ;

30 ans de vie au sein de cette belle famille, grandissant en relation avec collègues, enfants, jeunes, parents, amis, collaborateurs..., je me trouve après ces années écoulées, toujours enthousiaste à l’idée de continuer mon cheminement, apprendre, comprendre, défier, me renouveler...

30 ans, comme si, c’est une année qui vient de passer. Drôle de sentiment!

Durant mon cheminement à travers ces années, j’ai bien appris et compris :

1. QUE “la joie fleurit au bout du don” car donner sans compter signifie la joie en elle-même.

2. QUE “dessiner un rêve” et ne jamais se lasser de construire et reconstruire malgré mes faiblesses et mes erreurs.

3. QUE la “sagesse du cœur, sa droiture et l’élégance du cœur” est surtout quand j’aime l’autre d’un amour intègre et sans retour.

4. QUE “voler vers de nouveaux horizons” : c’est un appel d’aller avec notre amour fraternel au-delà de tout.

شكراً يا عدرا

٢٥ سنة من عمري في العمل مرّت كالثواني لأن هدفي كان وسيظلّ خدمة وكرامة وسعادة الطفل، ثمّ الطفل، ثمّ الطفل. أشكرك يا «عدرا» على جميع عطاياك التي وهبتي إيّاها: لحظات الفرح، نعمة العطاء، الإحترام المتبادل، عيش الوفاء، الشفافية بالتواصل، إختبار الصعاب وكيفية تخطيها بالزّجاء، الإتحاد بالصلاة، التّحلي بالأمل، التّضحية بالذات لإسعاد الآخرين. هذه العطايا تربيّت عليها في عائلتي الصّغيرة وازدادت نضجاً ومعرفةً وخبرةً عندما تعاونت مع أفراد عائلتي الكبيرة «سيزوبيل». هذه القيم أهلتني لتحمل المسؤولية بعزم وإرادة وتصميم على أداء الرّسالة - الحلم ألا وهي العمل الإنسانيّ. أشكرك «يا عدرا» لأنك أنعمت عليّ بأن أكون فرداً من عائلة سيزوبيل أصحاب القلوب الطيبة والوجوه المبتسمة والمندفعين والمبذعين في العمل لتحقيق رسالتنا. أشكرك «يا عدرا» على عطية خصّصتها لي وهي «محبّتي الصادقة» لكلّ طفل من أطفال الصغار فمكانهم في قلبي هو القلب كلّهُ. أمجدك اليوم وكلّ يوم وأطلب منك أن أحيّا تحت جناحك وأن تكوني رفيقة دربي لأكمل رسالتي.

لوسي إدلبي
وحدة التخلّ المبكر



أفضل ما تلقيت كانت نظرة حنونة من طفل أو ابتسامة فرح من شاب

٣٠ سنة من العطاء بمؤسسة عريقة كسيزوبيل التي اعتبرها كيبتي منحوني القوة والصبر والوصول لما أنا عليه اليوم. حبي لأطفال ولشبان هذه المؤسسة أصبح حباً معتقاً كالنبيذ كلما زاد عمره كلما زادت لذته وصار ألد وأشهى.

في الحقيقة ترعرت في هذه المؤسسة بل في هذا البيت على حب هذه القضية والدفاع عنها فأصبحت ركيزة حياتي ومبدئيّ الدائم. لا أعرف إن كان هذا العمر الذي مضى قد شارك ولو بقليل في تقدّم هذه المؤسسة، بل أنا واثقة مما قد حصل من تغيير في حياتي الخاصة فمُحِثُ الإبتسامه، الأمل، الرجاء، محبة الآخر، التفاني... كل هذا وما زلت أتلقى المزيد والمزيد لكن أفضل ما تلقيت كانت نظرة حنونة من طفل أو ابتسامة فرح من شاب او دعوة من قلب أم.

هذا ما كسبته خلال هذه السنوات الثلاثين، كسبت رضى الله على كل ما قدمته لهذه القضية السماوية فكافأني في حياتي وساعدني على الصمود في وجه كل الصعوبات والتحديات في حياتي الخاصة والعائلية. على أمل تقديم الأفضل في السنوات التالية وعلى أمل الحصول على مكافآت ربانية أخرى، أتمنى للمؤسسة، لكل فرد فيها وخاصة لأطفالها وشبانها دوام البقاء والاستمرار والتطور.

نيكول قسطا
قسم التسويق



قديش أنا محظوظة فعن

أسرار الحياة كثيرة، وإذا دقت النظر وتعمقت بها للأسرار، رح تلاقي وتفتتح إنو ما في ولا إنسان ولا أي مخلوق كامل إلا الخالق...
أنا بوثق إنو كل شخص إلو قدرات خاصة، وإلو كرامتو الكاملة.

يللي قاعد على كرسي متحرك أو عندو تراجع بطاقاتو، هو إنسان كامل. اكتشفت إنو الإعاقة هي بالقلوب، بالحب، وبالمجتمع...
شبيبتنا هني الطموح والبراءة وكل التحدي، وإعاقين مش موتن من الحياة.

عشت عشرين سنة معن، وبطلت أعرف عيش من دون حضورن!

شو بحب فوت ع صفي وزيتو وإخدم من كل قلبي. وشبيبتنا يلي كلن براءة وفرح، وسلام!

قديش بيحجن الرب! عطاهن يعيشوا بعالمن الخاص المليان سلام، عالم السما. قديش أنا محظوظة معن. بشكر كل أفراد المؤسسة وخاصة كل مدير وقف حدي، وبطلب من الرب يفيض علينا بنعمو ويبقي دائماً نور لسيزوبيل.

ناتالي شمعون
برنامج التودع



«أوعى تضعفي، يسوع ما بيترك حدا، إنتي قوية، خليك قوية». هيدي الجملة كانت إيفون شامي تقلي ياهأ لما فقدت قسم من نظري وكانت تدقلي عا صدري بقوة لما تحكيني هالشي.

أنا ملتزمة بعيلة سيزوبيل، بمبادئا وقيما، وبحاول دايماً كون عنصر فعال بعلمي ومع الفريق يللي أنا مسؤولة عنو.

بالماضي كنت إجهل عالم الإعاقة، بنظري الدني كانت كلاً ورد بدون شوك، بس لما ضعفت، فهمت إنو الشوك لي جرحني علمني إنو صير أقوى وإتعلق بحياتي لي صارت أصعب من قبل.

هلقي بفكر إنو الله كان عارف شو بدو يصير معي لأنو رسلمي طريق. بعدين عرفت شو بدو مني، تعلمت كيف إتحدى الصعوبات، وغلبت عجزتي بالإيمان والمثابرة. تقبلت إعاقتي البصرية لأنو حسيت فعلاً بوجع ولادنا وشبيبتنا وصعوباتن.

كارمل خوري كانت تقلي دايماً «طلعي بولادنا وشوفي كيف عم يعيشوا الصعوبة بفرح» وهيك عملت. كان التحدي الكبير إنو إستمر بعلمي، بحياتي اليومية، بعلاقتي ضمن الشغل وسيزوبيل، ومشى الحال بفضل مساندة أهلي وزملائي.

بعد ٢٥ سنة بدّي قول إني عبرت عن محبة كبيرة واشتغلت بصمت عا قد مغطياتي ووزناتي.

بشكر الله لوجودي بسيزوبيل لأنو المحبة الموجودة بهالعيلة كثير كبيرة ورح تبقى بالنسبة لإلي عيلتي الثانية.

ريتا عبد الساتر
مشغل الخياطة



مش غريب

مش غريب إنو مرقت ١٥ سنة ع غفلة،
مش غريب إنو تعرّفت ع سيزوبيل صبيّة
بالتلاتينات وخلصتني سنة ورا سنة حطّ بخدمة ولادا
كلّ اللي وهبو الله إلي من قدرة،
مش غريب إنّي بقيت بصفاً عالحوطة والمرة كلّ
هالسنين،

مش غريب إنّي كبرت معا وربّنتني حبّ الرّغير
والكبير، أهل البيت وضيوفو،

مش غريب شوقا اليوم أبعد من مؤسسة بحيطان
وبنايات، شوقا إمّ ومش أيّ إمّ،

هاالإمّ أخذت من ستّ البيت كثير من الصّفات:

- الحنيّة ع ولادها هيي الإمّ اللي بتفكر بالكلّ؛

- الصّلا هيي اللي بتصلّي بلا ملّ؛

- الخدمة بصمت هيي اللي بتخلينا نعيش مع
الرّب بوسط عملنا اليوميّ؛

- النّقة بالله وتمسّكا بمشروعو للأخر هوّي اللي
اختار يكون إلو بيت بقلبا؛

- التّسليم لإرادة ربّنا من دون خوف؛

- الشّجاعة لأتو عندا ثقة بنعمة الله.

هيدي هيي سيزوبيل، هيك عرفتا، إمّ لعيلة كبيرة
وهيك بتمنى تضلّ بعيني.

سيزوبيل بعديك اليوم بعيدك الـ ٤٤، بعيد الأمّ وعيد
البشارة، وبطلبك الـ ٤٤ سنة تانيين لأتو حياة كثير

من النّاس بتكمل بوجودك!

شكراً لوجودك بحياتي!

أنيتا الحاج

البرنامج التربوي



حبّي لقضية سيزوبيل معتّق مثل النّبيد

١٥ سنة من الحب والعطاء بمؤسسة اعتبرنا كيبتي
التاني خلّوني إتعلم إنو الفرح بالعطاء، إنو القوة
بالصبر وإنو الإيمان بالرجا.

مع شبيبتنا وأطفالنا وكرمال ضحكاتن مرقت السنين
من دون ما حسّ. كل همي كان إقدر شارك ولو
بجزء زغير من فرحن أو بنسبة زغيرة من راحتن.

حبي لأطفال سيزوبيل ودفاعي عنن بكل كلمة بقولا
أو بعزف عنن بالمجتمع من خلال شغلي خلّاني
إتسلّح بالعزم والنضال لهالقضية ليّ صارت جزء
مني ومن حياتي العملية والعائلية.

على أساس حب الغير وعدم التفرقة عم ربي
ولادي، وعلى أساس إحترام الغير والدفاع عن
حقوقن عم عزّف الناس على ولادنا وقضيتنا. صار
حبي لهالقضية معتّق مثل النّبيد كلما زاد عمرو
كلما زادت لذتو وصار ألدّ وأشهى.

بشكر ربي على كل دقيقة عشنا بهالمؤسسة يلي ربنا
بادلني ياها بحياتي الخاصة. بتمنى من كل قلبي
إقدر ضلّ ساهم ولو بجزء زغير من فرحة ولادنا أو
راحتن لأتو بفرحن وراحتن نحنا منقوى ومنستمر.

جوانا جبيلي جدعون

قسم التسويق



سيزوبيل... هيدي هي العيلة

بس يوقفوا حدنا بصعوباتنا المادية، الاجتماعية والحياتية، هيدي هي العيلة. بس تكتسب أشخاص مع الوقت بصيروا كأئن فرد من عيلتك، هيدي هي العيلة. ومعنى العيلة، عشقو بشكل خاص بقسم التّوحد يلي صار جزء مني، ومن أول نهار بلّشت مع ماغي، زرعت فيّي أهمية العطاء الصامت وتشدّد على قوتنا سوى.

كنا نتخانق وبتصالح مثل الإخوة بالبيت، نتساند بكل لحظة ونتشارك إيماننا الحلو والبشعة بطلعاتنا ونزلاتنا بايد وحدة وقلب واحد. وهيدا الشي قوّانا وخلصنا نستمر بالرغم من الصعوبات اليومية. بعيلتي الصغيرة، زرعت بولادي إنن يتقبلوا الاختلاف لأنوا الأهم الجوهر وحقن لها لأشخاص بالحياة والعيش بكرامة.

بتأمل ضل بهالزخم والعطاء بدون مقابل، والوزنات يلي بلّشت فين كون رديتن أضعاف. شكر من القلب لكل شخص وقف حدّي ودّعمني وشكر لـ «ست البيت». ويختم بجملة للأم تيريزا: «عندما نموت سيأتي وقت يجاسبنا الله وهو لن يسأل كم عدد الأشياء الجيدة التي عملناها في حياتنا بل سيسأل عن مقدار الحب الذي وضعناه في هذه الأعمال.» رولا أشرم برنامج التّوحد

«إن العطاء الصامت والصامد هو كالنبيذ المعقّ... كلما مرّت عليه السنين كلما ازداد لونه ضياءً ومذاقه طيباً». هالجملة بتختصر ١٥ سنة بسيزوبيل يلي فيا كبرت، تطورت وتقدّمت.

مش هيّن تشتغل مع أشخاص عندن احتياجات خاصة، كيف إذا عندن توحد. مرات بيحطوك بمواقف عجز، فشل وضعف ومرات بنجاح، تقدّم وفرح. بمحلات كثيرة كّنا نكون صوتن ووسيلتن تا يعبروا عن يلي جواتن. تشاركت معن حزني، فرحي وحياتي اليومية وحاولت قدّ ما فيني إزرع الفرح بحياتن بدون تمييز وإسند عيلتن تخفف ولو جزء بسيط من معاناتن المستمرة.

بالنسبة لسيزوبيل، وقتنا بيقولوا «عيلة» هالشي بيتّرجم بدون ما نحس: بس يساعدونا نتقدّم على المستوى العلمي والعملية، هيدي هي العيلة. بس نتساند بتعبنا ونتشارك حزنا وفرحنا، الحياة والموت، الصحة والمرض، هيدي هي العيلة. بس يتقبّلوا انتقاداتنا وسلبياتنا على قراراتن بكل رحابة صدر، هيدي هي العيلة.



حُبَّ وَعطاء وإيمان وكرم



IL EST IMPERATIF APRES 15 ANS DE REMERCIER NOS ENFANTS

Il est temps de leur dire :

- Merci pour votre sourire
- Merci pour votre foi
- Merci pour votre persévérance
- Merci pour votre humour
- Merci pour votre courage
- Merci pour votre sérénité
- Merci pour votre amour
- Merci de votre confiance
- Merci d'exister
- Merci d'avoir donné un sens à mon travail, à mon existence.

Enfin Grand Merci à «Set el Beit» de m'avoir choisie pour pouvoir témoigner de ce grand bonheur que de pouvoir rendre à Jésus une part infime de tout ce qu'il nous a octroyé.

Joëlle Sidawy Assaf
Département Marketing



١٥ سنة بسيزوبيل...
١٥ سنة مليانة حُبَّ وَعطاء وإيمان وكرم...
١٥ سنة حُبَّ عشنا مع زُملا كانوا أَكثَر من أصحاب، كانوا عيلة إلابي، مرافقيني بكل الأوقات الجلوة والصعبة.
١٥ سنة عطاء عطيت فيا من قلبي للمؤسسة ولزُملائي ومن كل كل قلبي لولادنا. وأكيد العطاء كان متبادل على كل الأصعدة: الحب، الثقة، المعرفة والمشاركة.
١٥ سنة إيمان بهالرسالة اللي زَرَعُوا فينا إيفون ومدام صافي، إيمان ببعوض، وإيمان بحق ولادنا وقدرتُن على التقدّم حتى بأزعر الأمور.
١٥ سنة كرم، كرم فاضتو عليّ سيزوبيل وإدارتنا من كل النواحي وما قدرت إلا ما بادلا أنا كمان بأفضل ما عندي.

سيزوبيل: إدارة، موظفين، ولاد وشبيبة، ما فيتي إلا ما إشكرك على هال١٥ سنة، اللي ولا نهار وعيت فين إلا وما كنت مليانة حماس ونشاط وحب لرسالتي اللي عم قدما من خالك.
بشكرك على كل التطور اللي تطورتو معك على الصعيد الإنساني والعلمي.
بشكرك لأنني عايشي معك بجو عيلة مليان حب وإيمان وعطاء.

بعيدك ال٤٤، ما فيتي إلا ما إتمالك كل خير:
- بتمنى تتخطي، مثل دايمًا، كل الصعوبات اللي عم نمرق فيا بمساعدة يسوع وست البيت؛
- بتمنى ما توقفي ولا نهار تزدهري وتتقدمي وتسمحيننا نتطور معك؛
- بتمنى ما تلاقي حوليك إلا العالم اللي بتحبك ومأمنة فيك وبرسالتيك.

سيزوبيل، ضلك طيري وحلقي أعلى ما فيك، لأنو ما بيلبلك إلا أنك تكوني بأعلى مستوى.
بحبك، بحب كل خدا وكل شي فيك.

غادة كמיד
وحدة الشوشو

10 سنين حب بدون شروط

كلّ هالسنين اللي مرّقت، كنت وبعدي بحسّ نفس شعور الشغف والحب لشغلي. بسيزوبيل تعلّمت العطاء بدون مقابل، الحب بدون شروط، المساواة بين الأشخاص المعافين والمصابين... بسيزوبيل تعلمت وعشت المعنى الحقيقي لروح العيلة ومساندة أفرادا لبعضن البعض.

بشكر كل شخص بشتغل معو، سوا منحقق أهداف مؤسستنا إنو الفرح يضل دائماً مرسوم عا وجوه ولادنا وشبيبتنا... نحنا منعمل اللي علينا ومنتركلا حصّتا، حصة ست البيت.

جاك ابراهيم
قسم اللوجستي



الوقت يمرّ بسرعة، وأنا أكمل السنة الخامسة عشر في عائلة سيزوبيل. هنا عشتُ وفهمتُ أنّ لكلّ واحد منا رسالة في هذه الحياة، وأنا رسالتي هنا لأنّي هنا عرفت أنّ بعد الحزن يأتي الفرح.

لقد تعلّمت الكثير في سيزوبيل...

إنّ الفرح الذي لمستّه مع أطفالنا وشبيبتنا علمني أن أنظر بإيجابية للمصاعب التي أواجهها. تعلّمت ألا أنظر الى المظاهر الخارجية بل إلى الجوهر لأنه الأهم.

صلاتي إليك يا رب أن ترعى بعنايتك هذه المؤسسة، تبارك القيمين عليها والعاملين فيها، أن تعيد أولادها إلى أحضانها وتثبّت مسيرتها على طريق الرجاء وتتّمي دائماً قدراتها العملية والروحية.

دولا غاوي
قسم اللوجستي





الحياة ما بتصير معك، الحياة موجوده كرمالك ... عيشا بحب

الأمان والراحة الماديّة كانوا هدف بحياتي، بس كان عليّ حدّد قديش بسمحلن يسيطروا عليّ! كان فيّ عيش كل الوقت عم فكر بالمسار يللي ممكن حققو، والمستقبل يللي بطمحو وما إفهم إنو الأمان والراحة ممكن يتحققوا بلحظة، بالوقت الللي مناخذ فيه قرار نخليّ الحب يكون أقوى من كل شي.

مش صدفة

سيزوبيل بحياتي أبدأ مش صدفة، هيدي كانت أول فكرة لمعت لما انطلب مني أكتب شهادة حياة. عشر سنين وقبلن ست سنين تغيرت حياتي من بعدن رأساً على عقب بهالمؤسسة الللي بعتبرنا بيتي الثاني. ضحكت، بكيت، انغرمت...

سيزوبيل، ولادنا، شبيبنا وكل الأشخاص الملتزمين بهالمؤسسة، من كل واحد منكن تعلمت كيف أسس عيلة متواضعة والأکید إنو أنا كتير فخورة بعيالتي الزغيرة وعلياتي الكبيرة. بمشوار الحياة، نيال الللي بيلتزم برسالة هدفا العطاء، التواضع، الصلا، السلام والحب.

ميرنا فحمة
قسم الإنتاج



كتار منا بيختاروا الأمان والراحة والرفاهية متخبايين ورا فكرة الإستقرار العملي. بس يللي عنجد بدنا ياه منفكرو مستحيل أو كتير سخيّف نطمح إلو وحتى ما منتجرأ نسال الله ونطلبو منو. بس أنا دلالة إنو مبلا فينا نطلبو من الرّب!

بلّشت مسيرتي المهنية بإذاعة تلفزيونية مهمة بلبنان والشرق الأوسط وكان عمري ٢١ سنة. وبوقتا، مثل كل بنت حلمت بالنجاح والحبووحة. بعد سنة، تعرضت لوعكة صحيّة علمتني إفهم وقدر الحياة، قدر إنو اليوم عم بتتفسّ، إنو اليوم عم حرّك عيوني، إنو اليوم فيي إضحك، إنو اليوم أنا عايشة.

وعلى عيد ميلادي الـ٢٢، أنا وعم أقطع الكيك، طلبت أمنية من الرب وقتلو: أنا ما بدي إشتغل تا يغتني إنسان واحد، أنا بدي إشتغل للإنسانية! وتاني يوم سيزوبيل بيتصل فيي. كيف؟ ليش؟ ما بعرف! مبلا بعرف: هيدي الرسالة يللي الرّب قدّملي ياه، هيدي الدرب يللي أنا طلبتا منو!

كيف بدي إخدم؟ وشو فيي قدّم؟ هيي الأسئلة الوحيدة يللي ضلّت تبرم براسي كل الوقت؛ ومرة تانية حطّيت قلبي قدام هالأسئلة وصار إلي بسيزوبيل ١٠ سنين. السلام الحقيقي، الراحة والأمان يللي كنت عم فتش عليّ، لقيتّن هون، مطرح ما الحب والإيمان هتّي الأساس.

ماريا بو سعدا
وحدة المشاريع

لم أكن أعرف

التي طرحته عليّ السيدة خوري: «وصفلي علاقتك بالله». بعدما غادرت مكتبها كان عندي انطباع سيئ عن هذا السؤال، ما الجدوى منه؟ وأي عمل هذا؟ لاكتشف اليوم وبعد عشر سنوات أنّ هذا هو الأساس، أنّ يسوع هو الأساس في حياتنا، وستّ البيت هي الأساس في سيزوبيل.

نعم قلتها مرة، وسوف أقولها دائماً ورغم كلّ الظروف التي مرّت، لم يعتريني الشعور بالندم ولا للحظة.

فأنا أنتمي إلى هذه العائلة الكبيرة، التي أنا و فريق العمل في جزيين وكفرحونة فيها جزء لا يتجزأ منها، حيث كان الإصرار كبير بجهود السيدة صافي ودكتور حداد على إكمال المسيرة والرسالة في الجنوب، إيماناً منهم ومنّا بقضية أولادنا مصدر إلهامنا، فعندي ملاء الثقة باستمرارية هذه المؤسسة لأنّ أساسها المحبة.

«ولو كانت لي موهبة النبوة، وكنّت عالماً بجميع الأسرار وبالمعرفة كلها، ولو كان لي الإيمان الكامل فأنتقل الجبال، ولم تكن لي المحبة، فما أنا بشيء.» مار بولس

بول قطار
مشغل المساعدة بالعلم
سيزوبيل كفرحونة



كنّت قد بدأت مسيرتي المهنية في بيروت بعد تخرّجي من الجامعة، وهو في مجال المحاسبة والتدقيق وكان عمل روتيني ملؤه الأوراق والاجتماعات، وإنّ يطرح أحدهم عليّ احتمال العمل في بلدي جزيين في مؤسسة لم أكن أعرفها «سيزوبيل».

دون تفكير شدّني الحنين إلى بلدي الأم حيث أنا أنتمي أو بالأحرى مهووس بالإنتماء، قبلتّ التحدي وأبلغتّ مديري في العمل وعائلتي، ثم انهالت عليّ المعارضة:
في جزيين؟ أيّ مستقبل؟ في سيزوبيل أيّة مهنة؟...

لكن لا أنا ولا أحد غيري كان يدرك نقطة المحبة التي سوف أساهم في إضافتها على هذا المحيط. في أكثر من إنجيل، يحدّد يسوع الشرط الأساسي لاتباعه ولخدمة نفوس إخوته، ألا وهو الحبّ. إذ لا خدمة، لا عطاء، لا تكريس ولا حياة بدون المحبة. من يحبّ فقط يستطيع أن يحمل نير المسيح وصليبه، من يحبّ فقط يستطيع أن يقف حياته لخدمة الله وكنيسته، من يحبّ فقط يستطيع أن يقول نعم للمسيح واضعاً يده على المحراث غير ملتفتٍ إلى الوراء، من يحبّ فقط يستطيع أن يسوس ويدير شؤون شعب الله.

فكانت الـ «نعم» نعم للمحبة ونعم للمسيح الذي يسألنا كلّ يوم إذا كنّا نجبه أكثر من هؤلاء. وأنا اليوم وقد مرّ على إعطائي الجواب الرسمي للمسيح حوالي العشر سنوات، إذ أعتبر قبولي بالانضمام إلى هذه العائلة نعمة حلّت عليّ بمثابة تأكيد على أنّي قلت للمسيح نعم إنّي أحبّك، وأطلب منه أن يسيّر خطواتي لأستمر في عمل المحبة في هذه المؤسسة أو أينما كنت.

نعم لقد انضممت إلى هذه العائلة واكتشفت فيها عملاً صالحاً وأفراداً رائعين كونت معهم علاقات تتخطى العمل، كيف لا وأنا لا أنسى السؤال الأول

AIMER, C'EST TOUT DONNER

«Les meilleures choses qui arrivent dans le monde d'un établissement ne sont pas le résultat du travail d'un seul homme. C'est le travail de toute une équipe».

C'est ce que mon parcours de 10 ans à SESOBEL m'a appris. C'était pour moi un plaisir de travailler au sein d'une équipe qui a un but unique : celui de présenter le meilleur pour autrui.

Certainement, ces années passées étaient pleines d'expériences mais aussi de beaucoup de défis pour pouvoir s'améliorer et continuer le chemin.

Enfin, j'aimerais bien remercier avant tout «Set El Beit» qui m'a donné la grâce de travailler avec des personnes très distinguées et d'offrir à tous ceux qui m'entourent une part de moi-même avec beaucoup d'amour.

Tout comme le dit Sainte Thérèse de l'Enfant Jésus «Aimer, c'est tout donner et se donner soi-même. »

Rita El-Mir

Département de production



هون قدرت إلمس وجود الله بحياتي

حبيبت بلش شهادتي بقصة زغيرة ومعبرة للقديس أغسطس بخر فيا:

«بيوم كنت عم إمشي على الشاطيء، حزين، مهموم، ويلات ومصاعب الحياة فوق كتافي. بعد وقت قصير، انتبهت إنو حد بصماتي في بصمات جداد، بدل ٢ صاروا ٤. هون حسيت بوجود الله، صرت إحكي معو، شوي صلي وشوي إبكي، وهوي عم يسمع بس. لكن المفاجأة كانت إنو بعد ساعة من المشي، انتبهت إنو البصمات رجعوا صاروا ٢. فصرخت: إلهي، أين أنت، لم تركتني؟ فرد صوت هاديء ومحب: أنا هون، حسيتك تعبان من المشي ومن همومك، فحملتك حتى ترتاح، وهذه البصمات هي بصماتي أنا.»

هيدي القصة علمت فيي كثير، ومين منّا ما قال: إلهي، لم تركتني؟ وخاصة بعد الصعوبات يلي مرّت علينا، لكن ويكل فخر خلال هالـ ١٠ سنين يلي عشنا بمؤسسة سيزويل، قدرت إلمس وجود الله بحياتي ومحبتو الخاصة لكل شخص منّا، فهمت إنو مهما كان حملنا ثقيل، الله رح يختار الوقت المناسب ليحملنا ويحمل وجعنا. وما فيتي بهالمناسبة إلا إنو أشكر من القلب أشخاص لعبوا دور مهم بحياتي: الأنسة أنيتا الحاج والأنسة لوسى إدلبي وكل الزملاء المحبين.

أخيراً، أنا على ثقة كبيرة إنو الله حامل مؤسستنا بقلبو ورح يختار الوقت المناسب حتى يبعد هالغيمة المؤقتة. جوسلين نخلة خويري وحدة التدخل المبكر



بإختصار، أنا فخورة إنني بشتغل بمؤسسة همّا إنساني مش مادي وانشالله سيزوبيل تضل فاتحة بوابها وصل خبر الناس إنني من عيلة سيزوبيل.

ساميا دامس
قسم اللوجستي



أنا فخورة إنني بشتغل بسيزوبيل

لما بلّثت مسيرتي المهنية، كان همّي إشتغل وكون سند لعيلتي. سيزوبيل قدّملي الدعم ووقفت حدّي بأصعب الظروف.

اليوم، وبعد ١٠ سنين لقيت حالي معلقة بالمؤسسة. تلقّيت كتير فرص وبواب جديدة انفتحت بوجّي بس ما حسّيت رح لاقى مثل سيزوبيل.

ضحكة من حنان بتملّي مشغل الفندقية حماس، نهفة من إيلي بتعبّي الجو فرح، الإلتزام والتقاني عند داليا وليبية بيشجعوا نعطي أكثر بعملنا وما في أحلى من الشغل مع ابراهيم وفرانسوا... شبيبتنا، بحبكن كتير...

صلاة ست البيت

يا عدرا ما إلنا غيرك،

ما بدنا غيرك،

إنت معنا، نحنا ما منخاف،

جمعينا بقلب عيلتك.

لأنك ملكة المستحيل،

ولأن ابنك الحيّ ما بيرفضلك شي،

ولأنك أمنا، ما منخاف من الصعوبات.

ما عمرك بنخيبي أمل اللي بيتكل عليك،

و اتكلنا ...

علمينا نضل نتكل عليك،

نعمل اللي علينا،

و نتركلك حصّتك،

حصّة ست البيت.

